



UNIVERSITÄTS-
BIBLIOTHEK
PADERBORN

Avrea Gemma Christianorvm

Ruben, Leonhard

Paderbornae, 1604

IV. Christus mittit duos de discipulis ad parandam cœnam.

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

Hosanna filio David: benedictus qui venit in nomine Domini: Hosanna in altissimis. Et cum intrasset Hierosolymam commota est vniuersa ciuitas dicens. Quis est hic? populi autem dicebant: Hic est Iesus propheta à Nazareth Galilæe. Et intrauit Iesus in templum Dei & eiciebat omnes vendentes & ementes in templo, & mensas numulariorum & cathedras vendentium columbas euertit, & dicit eis. Scriptum est, domus mea domus orationis vocabitur, vos autem fecistis illam speluncam latronum. Similia Marc. 11. 1. 2. 3. 4. 5. 6. 7. 8. 9. 10. 11. Et Luc. 19. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. Sic Ioan. 12. 12. 13. 14. 15.

CAPVT IV.

Christus mittit duos de discipulis ad parandam cœnam, & valedicit matri.

FIGURAE. 1. Rebecca occurrit cum hydria aquæ famulæ Abraham quærenti sponsam filio suo. Genes. 24. 41. 42. 43. 44. 45. 46.

2. Dum Saul quærit Samuelem occurrunt pueri haurientes aquam in ipso ciuitatis ingressu quem Samuel solenni adhibet cœuiuiio, & sequenti die in Regem vngit. 1. Reg. 9. 11. 19. 20. 21. 22. 23. 24.

3. Valefaciente Tobia parentibus, flent parentes. Tob. 5. 22. 23. 24. 25. 26. 27. 28. Tunc paratis omnibus quæ erant in via portanda, fecit Tobias vale patri suo, & matri suæ, & ambulauerunt ambo simul. Cumq; profecti essent, cœpit mater eius
S flere

fere & dicere: *Baculum senectutis nostra tulisti, & transmisisti a nobis. Nunquam fuisset ista pecunia pro qua misisti eum: sufficebat enim nobis paupertas nostra, ut diuitias computaremus hoc quod videbamus filium nostrum. Dixitq; ei Tobias. Noli flere, saluus perueniet filius noster, & saluus reuertetur ad nos, & oculi tui videbunt illum. Credo enim quod angelus Dei bonus comitetur ei & bene disponat omnia quae circa eum geruntur; ita ut cum gaudio reuertatur ad nos, Ad hanc vocem cessauit mater eius flere & tacuit. Accomoda matri valedicenti Christo Domino.*

VERITAS. Marc. 14. 12. 13. 14. 15. 16. Et primo die Azymorum quando pascha immolabant, dicunt ei discipuli: Quo vis eamus, & paremus tibi ut manduces Pascha? & mittit duos ex discipulis suis, & dicit eis. Ite in ciuitatem, & occurret vobis homo lagenam aquae baiulans, sequimini eum, & quocumq; introierit dicite domino domus, quia magister dicit, ubi est refectio mea, ubi Pascha cum discipulis meis manducem? Et ipse vobis demonstrabit conuicium grade stratum, & illic parate nobis. Et abierunt discipuli eius, & venerunt in ciuitatem, & inuenerunt sicut dixerat illis, & parauerunt Pascha. Similia Matth. 26. 17. 18. 19. Luc. 22. 7. 8. 9. 10. 11. 12. 13. Venit autem dies Azymorum, in qua necesse erat occidi pascha. Et misit Petrum & Ioannem accens. Euntes parate nobis pascha ut manducemus. At illi dixerunt: ubi vis paremus? & dixit ad eos. Ecce introeuntibus vobis in ciuitatem, occurret vobis

bis homo quidam amphoram aqua portans: sequimini cum in domum in quam intrat, & dicetis patri familias domus: Dicit tibi Magister. Vbi est diuersorium, ubi pascha cum discipulis meis manducem? Et ipse ostendet vobis cœnaculum magnum stratum, & ibi parate. Euntes autem inuenerunt sicut dixit illis, & parauerunt pascha.

CAPVT V.

De vltima cena quàm Christus cum discipulis sumpsit.

FIGURAE. 1. Paratur mensa panum propositionis. Exod. 25. 23. *Facies & mensam de lignis serim habentem duos cubitos longitudinis, & in latitudine cubitum, & in altitudine cubitum ac semissem.* Vers. 30. *Et pones super mensam panes propositionis in conspectu meo semper.*

2. Miphibolet h comedit panem in mensa Dauidis semper. 2. Reg. 9. 6. 7. 8.

PROPHETIAE. Psal. 22. 5. 6. *Parasti in conspectu meo mensam aduersus eos qui tribulant me. Impinguasti in oleo caput meum; & calix meus inebrians quam præclarus est? & misericordia tua subsequetur me omnibus diebus vitæ meæ.* Psal. 127. 4. *Ecce sic benedicetur homo qui timet Dominum.*

Prou. 9. 1. 2. *Sapientia edificauit sibi domum, excidit columnas septem. Immolauit victimas suas, miscuit vinum, & proposuit mensam suam.* Isai.

46. 3. 4. *Vsq; ad senectam ego ipse, & vsq; ad canos ego portabo, ego feci, & ego feram: ego portabo & saluabo.* Ibidem capit. 63. 8. 9. vt fol. 110.